

PRAVILNIK O KATEGORIZACIJI PLIVAČKIH SUDIJA

Član 1.

Kategorije i oznake kategorije sudija su:

- a) plivački sudija pripravnik (P)
- b) plivački sudija (PS)
- c) plivački sudija - starter (S)
- d) vrhovni plivački sudija (V)
- e) plivački sudija sa statusom međunarodnog plivačkog sudije (FINA)

Član 1a.

Kategorija i oznaka službenih lica takmičenja

- a) delegat takmičenja (D)

Član 2.

- (1) Plivački sudija pripravnik (P) ima pravo suditi na pozicijama pomoćnik startera, mjerioc vremena i sudija na okretui na svim plivačkim takmičenjima lokalnog i regionalnog karaktera,
- (2) Plivački sudija (PS) ima pravo suditi na svim sudijskim pozicijama, na svim takmičenjima, osim dužnosti vrhovnog sudije i startera.
- (3) Plivački sudija - starter (S) ima pravo suditi na svim sudijskim pozicijama i svim takmičenjima, osim dužnosti vrhovnog sudije.
- (4) Vrhovni plivački sudija (V i FINA) ima pravo suditi i rukovoditi svim takmičenjima koja se organiziraju u BiH.

Član 2a.

Delegat takmičenja (D) ima pravo biti delegiran na svim takmičenjima u BiH.

Član 3.

- (1) Plivački sudija pripravnik (P) može postati svaka osoba starija od 16 godina s prijavljenim prebivalištem u BiH, ako položi ispit za plivačkog sudiju pripravnika.
- (2) Plivački sudija (PS) može postati svaka osoba s prijavljenim prebivalištem u BiH, ako je aktivno obavljala sudijske zadatke na takmičenjima licenciranim od strane PS BiH u trajanju od dvije godine (15 dijelova takmičenja) uz minimalnu prosječnu ocjenu – „dobar“, te ako položi ispit za plivačkog sudiju.
- (3) Plivački sudija – starter (S) može postati svaka osoba s prijavljenim prebivalištem u BiH, ako je aktivno obavljala sudijske zadatke na poziciji plivačkog sudije (PS) na plivačkim takmičenjima u trajanju od tri godine (35 dijelova takmičenja) uz minimalnu prosječnu ocjenu – „vrlodobar“, te ako položi ispit za plivačkog sudiju – startera.
- (4) Vrhovni plivački sudija (V) može postati svaka osoba s prijavljenim prebivalištem u BiH, ako je aktivno obavljala sudijske zadatke na poziciji „Plivački sudija – starter (S)“ ili na poziciji „Plivački sudija“ (PS) na takmičenjima licenciranim od strane PS BiH u trajanju od pet godina (70 dijelova takmičenja) uz minimalnu prosječnu ocjenu – „odličan“, te ako položi ispit za vrhovnog plivačkog sudiju. Ispitu za zvanje vrhovnog plivačkog sudije može se pristupiti samo uz preporuku Sudijske komisije i najmanje dva vrhovna sudije iz BiH od kojih je jedan iz Sudijske organizacije PS BiH i jedan iz matične sudijske organizacije. Kandidate za zvanje međunarodnog sudije predlaže Sudijska komisija PS BiH iz redova



vrhovnih plivačkih sudija s dokumentacijom o vršenju dužnosti vrhovnog sudije i startera u skladu sa zahtjevima međunarodne plivačke asocijacije FINA.

Član 3a.

Delegat takmičenja (D) može postati svaka osoba s prijavljenim prebivalištem u BiH, ako je aktivno obavljala sudijske zadatke na poziciji „Plivački sudija – starter (S)“ ili na poziciji „Plivački sudija“ (PS), vrhovni sudija (V) na takmičenjima licenciranim od strane PS BIH u trajanju od pet godina (70 dijelova takmičenja) uz minimalnu prosječnu ocjenu – „odličan“.

Član 4.

- (1) Plivački sudija bilo kojeg ranga ne može biti:
 - a) osoba koja je pravomoćnom sudskom presudom osuđena za krivično djelo ili protiv koje se vodi krivični postupak,
 - b) osoba koja je diskvalifikovana odlukom mjerodavnog tijela PS BIH (Disciplinske komisije) ili protiv koje se vodi disciplinski postupak
 - c) osobe starije od 65 i mlađe od 16 godina starosti.
- (2) Kandidati su potvrde o nekažnjavanju dužni dostaviti kao sastavni dio dokumentacije za prijavu za polaganje sudijskog ispita bilo kojeg ranga.

Član 5.

- (1) Na ispitu za plivačkog sudiju pripravnika (P), pored uslova iz Člana 3, stav (1), kandidat mora pokazati znanje iz slijedećih područja:
 - a) FINA pravila plivanja;
 - b) FINA pravila za bazene i opremu
- (2) Ispit se sastoji iz teoretskog i praktičnog dijela koji se održava nakon završenog teoretskog dijela seminara.
- (3) Teoretski i praktični dio seminara provode sudijski instruktori PS BIH.
- (4) Teoretski dio ispita sadrži poznavanje FINA pravila plivanja i FINA pravila za bazene i opremu.
- (5) Praktični dio ispita sadrži praktičnu primjenu naučenih pravila i vršenje dužnosti na takmičenju.
- (6)

Član 6.

- (1) Na ispitu za plivačkog sudiju (PS), pored uslova iz Člana 3 stav (2), kandidatu se provjerava znanje iz slijedećih područja:
 - a) FINA pravila plivanja;
 - b) FINA pravila za bazene i opremu;
 - c) Pravilnik o kategorizaciji plivačkih sudija u PS BIH.
 - d) Pravilnik o formiranju sudijskog aparata za potrebe održavanja službenih plivačkih takmičenja u PS BIH.
- (2) Ispit je usmeni, a održava se nakon završenog teoretskog dijela seminara. Nije predviđeno praktično polaganje ispita.
- (3) Teoretski dio seminara provode sudijski instruktori, koje imenuje PS BIH.

Član 7.

- (1) Na ispitu za plivačkog sudiju - startera (S), pored uslova iz Člana 3, stav (3), kandidatu se provjerava znanje iz slijedećih područja:
 - a) FINA pravila plivanja;
 - b) FINA pravila za bazene i opremu;
 - c) Pravilnik o kategorizaciji plivačkih sudija u PS BIH.
 - d) Pravilnik o formiranju sudijskog aparata za potrebe održavanja službenih plivačkih takmičenja u PS BIH.
- (2) Ispit je usmeni, a održava se nakon završenog teoretskog dijela seminara. Nije predviđeno praktično



polaganje ispita.

- (3) Teoretski dio seminara provode sudijski instruktori, koje imenuje PS BiH.

Član 8.

- (1) Na ispitu za vrhovnog plivačkog sudiju (V) pored uslova iz člana 3, stav (4), kandidatu se provjerava znanje iz slijedećih područja:
- FINA pravila plivanja;
 - FINA pravila za bazene i opremu;
 - Pravilnik o kategorizaciji plivačkih sudija u PS BiH;
 - Pravilnik o formiranju sudijskog aparata za potrebe održavanja službenih plivačkih takmičenja u PS FBIH;
 - Pravilnik o organizaciji i provođenju službenih plivačkih takmičenja u PS BiH;

kao i:

- Organizacija i Statut PS BiH
 - Pravilnik o registraciji i licenciranju PS BiH
 - Pravilnik o disciplinskoj odgovornosti PS BiH
 - Opšte propozicije takmičenja PS BiH;
 - Rješavanje složenih situacija
- (2) Ispit je usmeni, a održava se nakon završenog teoretskog dijela seminara. Nije predviđeno praktično polaganje ispita.
- (3) Teoretski dio seminara provode sudijski instruktori, koje imenuje PS BiH.

Član 9.

- (1) Ispiti za zvanje plivačkog sudije razlikuju se obzirom na kategoriju. Za kreiranje ispita i održavanje baze pitanja odgovorna je Sudijska komisija PS BiH.
- (2) Za svako prijavljeno polaganje ispita za određenu kategoriju Sudijska komisija PS BiH sastavlja ispit od nasumice odabranih pitanja iz baze i šalje Ispitnoj komisiji, koju određuje Sudijska komisija PS BiH, najmanje 7 dana prije polaganja ispita.
- (3) Za prolaz na ispitu za bilo koju sudijsku kategoriju kandidat mora imati više od 80% tačnih odgovora od ukupnog broja pitanja i ako postoji, aktivno učestvovati na praktičnom dijelu ispita.
- (4) Na osnovu zapisnika Ispitne komisije i po uplati naknade za seminar i registracijske takse za tekuću godinu PS BiH izdaje sudijsku iskaznicu kandidatima koji su uspješno položili ispit i ispunjavaju ostale uslove utvrđene Pravilnikom.

Član 10.

- (1) Kandidati za polaganje ispita za plivačkog sudiju podnose prijave Sudijskoj komisiji PS BiH. Uz prijavu za polaganje sudijskog ispita kandidat istoj komisiji podnosi dokumentaciju o ispunjenim uslovima za polaganje ispita.
- (2) Prijava za polaganje ispita za plivačkog sudiju sadrži:
- molbu sa ličnim podacima,
 - potrebnu dokumentaciju u skladu sa Članom 4. ovog Pravilnika,
 - uplaćenu taksu PS FBIH čiji iznosi način uplate određuje UO PS BiH

Član 11.

- (1) Plivački sudija koji nije sudio u posljednje dvije godine, a pozivan je u tom periodu barem četiri puta da vrši sudijsku dužnost, podliježe provjeri znanja za kategoriju u kojoj se trenutno nalazi, a pred odgovarajućom komisijom, o čemu odlučuje Sudijska komisija PS BiH.
- (2) Vrhovni sudija koji u posljednje dvije godine niti jednom nije sudio na poziciji vrhovnog sudije mora pristupiti provjeri znanja za zvanje Vrhovni plivački sudija (V) pred komisijom imenovanom od strane Sudijske komisije PS BiH

Član 12.

- (1) Vrhovni sudija ili Sudijski povjerenik PS BiH vodi evidenciju sudija koji su sudili na takmičenju radi upisa podataka u evidenciju (bazu) sudija. U bazi podataka se vodi evidencija odazivanja sudija na



pozive suđenja. Vrhovni sudija ili Sudijski povjerenik PS BiH ima obavezu nadgledati rad svih sudija i ocijeniti svakog sudiju po svakom dijelu takmičenja, ocjenama 1-5 (uz najmanji korak od 0,5) prema slijedećoj tabeli:

- 1 Loš Ne zadovoljava ni minimalne zahtjeve za taj položaj i taj nivo takmičenja
 - 2 Dovoljan Zadovoljava, ispunjava minimalne zahtjeve
 - 3 Dobar Zadovoljava sve zahtjeve za ovaj nivo takmičenja
 - 4 Vrlo dobar Iznad zahtjeva je za ovaj nivo takmičenja, daje dodatni pozitivan doprinos
 - 5 Odličan Izvrstan u radu,znatno iznad zahtjeva, daje dodatni pozitivan doprinos
- (2) Pri ocjenjivanju vršenja dužnosti sudija na takmičenjima vrhovni sudija mora uzeti u obzir i slijedeće parametre:
- a) Pozornost – prati odvijanje takmičenja i plivača, ne dozvoljava da ga u radu ometaju vanjski uticaji
 - b) Znanje – siguran u svoje odluke, koje su usaglašene sa FINA pravilnikom i propozicijama takmičenja
 - c) Držanje – plivači ga cijene, dobro saraduje sa ostalima, zadržava prijateljsko, mirno i ne agresivno držanje čak i u stresnim situacijama
 - d) Pouzdanost – može se na njega računati, uvijek se odaziva na vrijeme, obavještava rukovodstvo o svome izostanku
 - e) Ukupni dojam uzimajući u obzir sve faktore - ukupni dojam o sudiji
- (3) Vrhovni sudija ili Sudijski povjerenik PS FBIH ima obavezu dostaviti ocjene voditelju obrade podataka najkasnije dva dana po završetku takmičenja.

Član 13.

- (1) Sudije kao službene osobe na svim plivačkim takmičenjima dužni su na vidljivom mjestu imati istaknutu sudijsku iskaznicu.
- (2) Sudije kao službene osobe na svim plivačkim takmičenjima dužni su nositi bijelu uniformu osim u slučaju kada odlukom organizatora nije drugačije određeno. Sudijska uniforma mora biti čista i uredna.
- (3) Sudijska uniforma sastoji se od:
 - bijele majice čija dužina rukava prekriva ramena
 - bijelih (dugačkih ili kratkih) hlača ili bijele suknje

Član 14.

- (1) Da bi svaki sudija mogao biti kategorisan po ovom pravilniku, treba uplatiti godišnju članarinu PS BiH/PS FBIH ili Sudijskoj organizaciji.
- (2) Članarina se koristi isključivo za edukaciju sudija i razvoj Sudijske organizacije PS BiH i u druge svrhe se ne može koristiti (osim kada se PS BiH i Sudijska organizacija dogovore na drugačiji način)
- (3) Visina članarine je fiksna za tekuću godinu bez obzira kada je plivački sudija pristupio Sudijskoj organizaciji.



PRAVILNIK O FORMIRANJU SUDIJSKOG TIMA ZA POTREBE ODRŽAVANJA SLUŽBENIH PLIVAČKIH TAKMIČENJA U PS BiH

I

Minimalna struktura sudijskog tima na takmičenjima, kako bi rezultati takmičenja bili verifikovani od strane nadležnog tijela PS BiH je kako slijedi:

- 1 vrhovni sudija
- 1 starter
- 1 glavni mjerilac vremena
- 1 ili 2 sudije stila (takmičenja na 25 m bazenu – 1 sudija, a na 50 m bazenu – 2 sudije)
- 1 mjerilac vremena u svakoj stazi (3 mjerioca u slučaju ručnog mjerenja vremena), koji ujedno mogu biti i sudije okreta.
- 2 sudija okreta za svaku stazu, mjerioci vremena mogu obavljati ovaj zadatak, dok na suprotnoj strani bazena od starta može biti minimalno jedan sudija okreta za dvije staze.
- 1 pomoćnik startera
- 1 delegat takmičenja
- 1 obrada podataka
- 1 operater elektronike
- 1 oficijelni spiker

Broj sudijskih kandidata (stažista) ne može prelaziti četvrtinu od ukupnog broja sudija na jednom takmičenju. U protivnom regularnost takmičenja i verifikacija rezultata može biti upitna o čemu odluku donosi UO PS BiH na prijedlog Sudijske organizaciju.

II

Sudijska komisija PS BiH određuje sudijski aparat i Sudijskog povjerenika PS BiH za sva takmičenja koja organizuje PS BiH. U slučaju da sude sudije iz drugih plivačkih saveza u BiH ili inostranih plivačkih saveza, Sudijska komisija PS BiH mora biti upoznata s tom izmjenom najkasnije 7 dana prije takmičenja.

Sudijska komisija PS BiH određuje Sudijskog povjerenika PS BiH. Na ovu poziciju se postavljaju sudije koje nisu angažovane na sudijskim pozicijama, a dostigli su rang Vrhovnog sudije ili međunarodnog FINA sudije, kao i počasni članovi Sudijske komisije PS BiH koji zbog svojih godina ne ispunjavaju uslove da sude plivačka takmičenja, a dali su izuzetan doprinos razvoju Sudijske komisije PS BiH i od izuzetne su važnosti za razvoj Sudijske komisije PS BiH.

III

Plivačke sudije delegirane u skladu sa članom II ove Odluke su dužni izvršavati dužnosti za koju su određeni.

Sudijska komisija PS BiH mora blagovremeno obavijestiti plivačkog sudiju o njegovoj dužnosti najkasnije 7 dana unaprijed.

IV

Delegirane sudije iz člana II ove Odluke su dužne Sudijskoj komisiji PS BiH pismenim putem, e-mailom ili SMS-om (u izuzetnim situacijama usmeno telefonskim pozivom) potvrditi prihvatanje sudijske dužnosti ili nemogućnost prisustva najkasnije 3 dana prije početka takmičenja.

Ukoliko sudija ne potvrdi prihvatanje delegiranja, smatra se kao da ga je otkazao.

Otkazivanje bez opravdanih razloga, kao i neodaziv bez otkaza, smatra se nesportskim ponašanjem, te takav slučaj treba dati u postupak nadležnom disciplinskom organu.

V

Sudija koji iz opravdanih razloga ne može da izvrši povjerenu dužnost, dužan je da blagovremeno obavjesti o tome Sudijsku komisiju PS BiH. Iz ovoga se izuzimaju izuzetne situacije, koje opravdavaju izostanak sudije i bez prethodne najave. U svim ostalim situacijam, sudija treba



najhitnije da otkáže svoju dužnost, tj. čim je nastupio nepredviđeni razlog zbog kojeg više ne vrijedi njegovo prethodno prihvatanje dužnosti.

VI

Sudijska komisija PS BiH vodi evidenciju o aktivnostima sudija PS BiH, određuje sudijski aparat, vodi zapisnik o prisustvu sudija i isti uputiti Sudijskoj komisija PS BiH.

Vrhovni sudija podnesi izvještaj i ocjenu rada sudija na takmičenju i isti uputiti Sudijskoj komisija PS BiH.

VII

Kontrola ispunjavanja uslova iz ovog Pravilnika provodiće Sudijski povjerenik PS BiH.

PRAVILNIK O NAKNADAMA ZA PLIVAČKOG SUDIJU PLIVAČKOG SAVEZA BiH

Član 1.

Plivački sudija za suđenje na takmičenju treba dobiti naknadu koja se izračunava na način opisan u ovom Pravilniku.

Visina sudijske naknade se određuje prema kategoriji TAKMIČENJA, plivačkog sudije, dužnostima na takmičenju i po dijelu takmičenja.

KATEGORIJE TAKMIČENJA SU:

DRŽAVNA PRVENSTVA

TAKMIČENJA KOJA SU UVRŠTENA U FINA KALENDAR

OSTALA TAKMIČENJA

Član 2.

Plivački sudija za suđenje na takmičenju treba dobiti naknadu, čiji iznos i način uplate određuje Sudijska komisija PS BiH, a postaje pravosnažna stupanjem na snagu ovog Pravilnika..

Sudijsku naknadu isplaćuje priređivač ili organizator takmičenja po završetku zadnjeg dijela takmičenja u skladu sa tabelom i rangom takmičenja

Tabela 1: Sudijska taksa ZA RANG DRŽAVNA PRVENSTVA

Rang sudije Kategorija	Iznos za takmičenje	Opis kategorije
a	b	c
FINA sudija – licenca (FINA) kat. "A"	ČLANARINA	Posjedovanje FINA licence
Sudija vrhovni ili starter (V) i (S) kat. "A"	ČLANARINA	Položen sudijski ispit za (V ili S)
Delegat takmičenja/glavni mjerilac vremena kat. "B"	ČLANARINA	Položen sudijski ispit 5 godina i/ili min. 70 dijelova takmičenja
Plivački sudija (PS) kat. "C"	ČLANARINA	2 godine i/ili min.15 dijelova takmičenja
Pripravnik (P) kat. "D"	ČLANARINA	Položen ispit

*** Članarina bi se odnosila na jedno prvenstvo zimsko ili ljetno.



Tabela 2: Sudijska taksa ZA RANG TAKMIČENJA KOJA SU UVRŠTENA U FINA KALENDAR

Rang sudije Kategorija	Iznos DNEVNICA	Opis kategorije
a	b	c
FINA sudija – licenca (FINA) kat. "A"	50 KM	Posjedovanje FINA licence
Sudija vrhovni ili starter (V) i (S) kat. "A"	50 KM	Položen sudijski ispit za (V ili S)
Delegat takmičenja/glavni mjerilac vremena kat. "B"	50 KM	Položen sudijski ispit 5 godina i/ili min. 70 dijelova takmičenja
Plivački sudija (PS) kat. "C"	30 KM	2 godine i/ili min.15 dijelova takmičenja
Pripravnik (P) kat. "D"	25 KM	Položen ispit

Tabela 3: Sudijska taksa ZA RANG OSTALA TAKMIČENJA

Rang sudije Kategorija	Iznos za 4 sata suđenja	Opis kategorije
a	b	c
FINA sudija – licenca (FINA) kat. "A"	50 KM	Posjedovanje FINA licence
Sudija vrhovni ili starter (V) i (S) kat. "A"	50 KM	Položen sudijski ispit za (V ili S)
Delegat takmičenja/glavni mjerilac vremena kat. "B"	50 KM	Položen sudijski ispit 5 godina i/ili min. 70 dijelova takmičenja
Plivački sudija (PS) kat. "C"	30 KM	2 godine i/ili min.15 dijelova takmičenja
Pripravnik (P) kat. "D"	25 KM	Položen ispit

TAKMIČENJA RANGIRANA POD „OSTALA TAKMIČENJA“ može biti jednodijelno ili višedijelno (A i B):

Jednodijelno takmičenje je takmičenje u jednom danu bez pauze i za njega se naknada računa na slijedeći način:

Ako takmičenje traje manje od 4 sata obračunava se naknada kao za jedan dio višedijelnog takmičenja (kolona b).

Ako takmičenje traje duže od 4 sata, naknada za svaki započeti sat je jedna četvrtina iznosa iz kolone b iz tabele 1.

Naknada za višedijelno takmičenje (višedijelno A) se izračunava prema formuli:

Iznos 4 sata suđenja x broj dijelova takmičenja.

Takmičenja koja su višedijelna i imaju kvalifikacijske i finalne trke (višedijelno B) se računa na slijedeći način:

Kvalifikacije – za 4 sata takmičenja uplaćuje se iznos iz b kolone tabele 1., a ako kvalifikacije traju duže od 4 sata, naknada za svaki započeti sat je jedna četvrtina iznosa iz kolone b iz tabele 1.

Finalne trke – naknada za svaki započeti sat je jedna četvrtina iznosa iz kolone b iz tabele 3.

Član 3.

Izmjene i dopune ovog Pravilnika provode se na način i po postupku njegovog donošenja.

Banja Luka, 30.06.2016



PREDSJEDNIK PS BiH

Goran Todorović